



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Praeceptio Gloriosissimi Regis Gvntramni Ad Episcopos Et Ivdices Regni
Svi, post Synodum suprascriptam edita, de obseruando die dominico, &
aliis.

urn:nbn:de:hbz:466:1-15221

P R A E C E P T I O
 GLORIOSISSIMI REGIS GVNTRAMNI
 AD EPISCOPOS ET IVDICES REGNI SVI,
 post Synodum suprascriptam edita, de obser-
 uando die dominico, & aliis.

*Gunthramnus rex Francorum omnibus pontificibus, ac vniuersis
 sacerdotibus, & cunctis iudicibus in regione
 nostra constitutis.*

PER hoc supernæ maiestatis auctorem, cuius vniuersa reguntur imperio, placari credimus, si in populo nostro iustitiae iura seruamus: & ille pius pater & dominus, qui humanæ fragilitatis substantiam suo semper adiuuare consueuit auxilio, melius dignabitur cunctorum necessitatibus quæ sunt opportuna concedere, quos cognoscit præceptorum suorum monita custodire. Dum pro regni ergo nostri stabilitate, & saluatione regionis, vel populi solicitudine attentius pertractaremus; agnouimus infra regni nostri spatia vniuersa scelera, quæ Canonibus & legibus pro diuino timore puniri consuerant, suadente aduersario boni operis perpetrari: & ex hoc procul dubio indignatione cælesti, per diuersas sæculi tempestates, homines ac pecora, aut morbo consumi censentur, aut gladio, dum diuina iudicia non timentur: atque ita fit, vt admittendo illicita per ignorantiam multi depereant, & non solum præsentem vitam celerius cogantur amittere, sed & inferni supplicia sustinere. Ad vos ergo, sacrosancti pontifices, quibus diuina clementia potestatis paternæ concessit officium, in primis nostræ serenitatis sermo dirigitur, sperantis quod ita populum vobis prouidentia diuina commissum frequenti prædicatione studeatis corrige-re, & pastorali studio gubernare, quatenus dum vniuersi diligendo iustitiam conuersatione præcipua cum omni honestate studuerint viuere melius, cuncta rerum aduer-sitate remota, cælesti beneficio concedatur tranquillitas temporum, & congrua saluatio populorum. Et licet absque nostra admonitione ad vos specialiter prædicant-

di causa pertineat ; attamen reliquorum peccatis vos omnino credimus esse participes , si filiorum vestrorum culpas non assidua obiurgatione corrigitis , sed silentio præteritis. Nam nec nos , quibus facultatem regnandi superni regis commisit auctoritas , iram eius euadere possumus , si de subiecto populo solicitudinem non habemus. Idcirco huius decreti ac definitionis generalis vigore decernimus , vt in omnibus diebus dominicis , in quibus sanctæ resurrectionis mysterium veneramur , vel in quibuscumque reliquis solennitatibus , quando ex more ad veneranda templorum oracula vniuersæ plebis coniunctio deuotionis congregatur studio , præter victum quem præparari conuenit , ab omni corporali opere suspendantur , nec vlla causarum præcipue iurgia mouantur : sed vos , apostolici pontifices , iungentes vobiscum confacerdotes vestros , & filios seniores ecclesiæ , ac iudices locorum , quoscumque agnoscitis quod vitæ qualitas honesta commendat , ita vniuersam populi multitudinem constanti vel Deo placita iugiter prædicatione corrigite , vt & bene viuentes mysticus adhortationis sermo mulceat , & excedentes ad viam recti itineris correctio pastoralis adducat : quatenus omnes vnanimi deliberatione laudabiliter studeant viuere , vel æquitatem & iustitiam conseruare ; qualiter ab omni peccatorum fâce liberos suos sancta suscipiat ecclesia Christianos. Enimuero quicumque sacerdotum , aut sæcularium , intentione mortifera perdurantes , crebrius admoniti , emendare neglexerint , alias canonica seueritas corrigat , alias legalis poena percellat : quoniam nec innocentes potest reddere collata securitas liberos , nisi culparum probatio punierit criminosos ; nec minor est pietas proteruos conterere , quam releuare compressos. Conuenit ergo , vt iustitia & æquitatis in omnibus vigore seruato , disstringat legalis vltio iudicium , quos non corrigit canonica prædicatio sacerdotum : quo fiat vt dum præterita refecantur scelera , nullus audeat perpetrare futura ; & ita vniuersos excedentes pro disciplinæ tenore seruando correctionis frena constringant , vt in vniuersa regione nostra pacis & concordiæ iura proficiant. Cuncti itaque iudices iusta , sicut Deo placet , studeant dare iudicia. Nam non dubium est , quod acrius

illos condemnabit sententia nostri iudicii, a quibus non tenetur æquitas iudicandi. Non vicarios, aut quoscumque de latere suo per regionem sibi commissam instituere vel destinare præsumant, qui, quod absit, malis operibus consentiendo, venalitatem exerceant, aut iniqua quibuscumque spolia inferre præsumant. Clericorum transgressiones cum aduersario instigante contigerint, quatenus illis pro diuino amore reuerentia maior impenditur, tantum conuenit ut acrius rescentur: quoniam si sancti pastores, aut instituti iudices, quod nefas est, subiectorum suorum scelera potius occultare, quam resecare tentauerint, se ex hoc amplius reos esse vel noxios non ignorant. Cuncta ergo quæ huius editi tenore decreuimus, perpetualiter volumus custodiri, quia in sancta Synodo Matisonensi hæc omnia, sicut noscimus, studuimus definire, quæ præsenti auctoritate vulgamus. Subscriptio domini Gunthramni regis, Perrunas. Data sub die iv. Idus Nouembris anno xxiv. regni suprascripti regis.

NOTA SEVERINI BINII.

* *Præceptio glorioſissimi regis Guntramni.*] Post peractam Synodus Matisonensem II. rex Guntramnus hanc sanctionem ad episcopos atque iudices scriptam edidit: qua (ut decet religiosissimum principem) eosdem hortatur episcopos, Verbi in primis prædicationi inuigilare, suumque ut officium non per vicarios, sed per seiplos expleant. Vtinam omnes Christiani principes, huius regis exemplo, ad populi mores corrigendos, atque ad iudices emendandos se convertant, dum peste, penuria, bello, aliisque calamitatibus affliguntur.

GVNTRAMNI REGIS

AD LOCVTIO,

QVANDO IN AVDIENTIA PVBLICA CONVOCATIS
episcopis, & optimatibus, discussi sunt duces qui rem
bellicam male administrarant anno Christi D X C V.

BELO quod Guntramnus aduersus Hispanos Ingundis filiae causa destinarat, cum exercitum in Septimaniam præmisset, milites soluta disciplina, quacumque iter erat, cædibus & rapinis, ac sacrorum etiam locorum direptionibus omnia populati sunt. Quo factum, ut non modo nihil promouerint, verum etiam in redditu, cum